



INATSISARTUT

## Aningaasaqarnermut Akileraartarnermullu Naalakkersuisoq

Ulloq: 15. oktober 2024

J. nr.: 01.25.01/24EM-LABU-00012

### Aningaasaqarnermut Akileraartarnermullu Ataatsimiititaliap UKA2024/12 pillugu Aningaasaqarnermut Akileraartarnermullu Naalakkersuisumut apeqqtai

Ataatsimiititaliap inatsisissatut siunnersuummik suliarinninnermini atugassatut apeqquteqarnissani aalajangiuppaa allakkatigut akissummik tigusaqarnissani siunertaralugu. Matuma kinguliani allassimasut paasissutissiissutigineqarnissaat ataatsimiititaliamit kissaatigineqarpoq:

#### 1) Ilaatinneqanngitsut

a) Akitsuutip atuutilernissaanut siunnersuummi minnerpaaffiliisoqarpoq, taanna malillugu akitsuut qaammatini pingasuni unnuinernik 20-nik naleqartumik 599 kr.-init annertuneruppat unnuisitsisartup unnuinermut akitsuummik aatsaat akiliisassalluni. Tassunga atatillugu atuutsitsinnginneq tamanna qanoq akeqassanersoq, tamanna unnuinernut qassinut atuunnersoq kiisalu aqqissuussineq taanna Naalakkersuisunit qanoq nakkutilliivigineqalersaarnersoq paasissutissiissutigineqassasoq ataatsimiititaliamit kissaatigineqarpoq.

b) Taamatuttaaq umiarsuarni, assersuutigalugu umiarsuarni takornariartaatini tingerlaatersortunilu unnuinerit inatsisissatut siunnersuummi akitsuusiinermut ilaatinneqanngitsut ataatsimiititaliamit maluginiarneqarpoq. Taamatut ilaatitsinnginnermut tunuliaqutaasup Naalakkersuisunit itisilerneqarnissaa ataatsimiititaliamit kissaatigineqarpoq.

c) Kiisalu Naalakkersuisut siunnersuut tusarniaanermut akissutit malillugit naleqqussarsimagaat ataatsimiititaliamit maluginiarneqarpoq, taamaalillunilu maani najugallit unnuinermut akitsuummumut ilaatinneqassanatik. Tamanna naapertuuttutut ataatsimiititaliamit isigineqarpoq, assersuutigaluguli nunani allani kalaallit ilinniartut kalaallilluunniit aallartitaqarfiini aallartitat maani najugalittut Naalakkersuisunit isigineqarnersut imaluunniit Naalakkersuisut tamatumunnga qanoq isumaqarnersut paasinarsisinneqassasoq kissaatigineqarpoq.

#### 2) Akitsuutip annertussusissaa

a) Akitsuutip annertussusissaata procentikkaartumik aalajangersarneqarsinnaaneranumut periarfissaq ilaatigut oqaluuserineqarpoq. Tamatuma saniatigut aningaasat naleerukkiartorerat assigalugu akitsuutip annertussusiata ingerlaavartumik

naleqqussarneqartarnissaata pingaaruteqarnera oqaluuserineqarpoq. Kiisalu akitsuutip annertussusissaa oqimaaqatigiissaariffigineqassasoq oqaluuserineqarpoq, tamatumani akitsuut isertitsissutaasassalluni tamatumalu peqatigisaanik takornariat Kalaallit Nunaannut angalarusukkunnaarnerannik nassataqassanani.

3) Siunnersuutip piviusunngortinneqarnerani aningaasaqarnikkut allaffissornikkullu kingunerisassat

- a) Aningaasaqarnikkut allaffissornikkullu kingunerisassat siunnersuummut nalinginnaasumik nassuiaatini allassimasut naammattumik annertussuseqartumik nassuiaatigineqarnersut ataatsimiititaliap siunnersuummik suliarinninnermini ilaatigut oqaluuseraa. Kommunit allaffissornikkut annertunerusumik artukkerneqaqqinnginnissaat, akitsuutilli nakkutigineqarnera aningaasaqarnikkut allaffissornikkullu killiliussat siunnersuummi allassimasut iluanni akilerneqarsinnaanissaat ataatsimiititaliamit pingaartinneqarpoq.
- b) Tassunga ilanngullugu siunnersuut piviusunngortinneqarpat allaffissornermut ukiumoortumik aningaasartuutit matussuserneqarnissaannut 0,3 mio. kr.-it naammannersut pillugu Naalakkersuisut naliliinerat aammalu qanoq ilillutik taamatut naliliisimangersut paasissutissiissutigineqassasoq ataatsimiititaliamit kissaatigineqarpoq.

Sulisitsisunit (GE) allakkat ilanngunneqartut ataatsimiititaliamit tiguneqarput, tassani pissutsit arlallit GE-p siunnersuummi naapertuutinngitsutut isigisai erseqqissaatigineqarlutik. Naalakkersuisut tassunga oqaaseqaateqarnissaat ataatsimiititaliamit kissaatigineqarpoq.

Apeqqutinut siuliani allassimasunut allakkatigut akissutit (kalaallisut danskisullu) sapinngisamik piaarnerpaamik tiguneqarnissaat ataatsimiititaliamit qinnutigineqarpoq. Akissut ataatsimiititaliap allattaannut ukununnga qarasaasiakkut nassiateqquneqarpoq: [saam@ina.gl](mailto:saam@ina.gl) aamma [jovag@ina.alla.gl](mailto:jovag@ina.alla.gl)

Apeqqutit siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartut Naalakkersuisut naliliippata, tamanna sapinngisamik piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiinnerujunnartumut ulluliussassatut siunnersuuteqarluni.

Inussiarnersumik inuulluaqqusillunga



Peter Olsen

Aningaasaqarnermut Akileraartarnermullu Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq  
Maani

**Unnuinermut akitsuutit pillugit Inatsisartut inatsisissaatut siunnersuut  
UKA 2024-12 pillugu ataatsimiititaliap apeqqutaanut akissut**

Brevdato: 24-10-2024  
Sagsnr. 2023 - 29559  
Akt id. 24685290

Aningaasaqarnermut Akileraartarnermullu Ataatsimiititaliaq siunnersuut qulaani  
taaneqartoq pillugu ulloq 16. oktober 2024 arlalinnik apeqquteqarpoq.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Aallaqqaasiullugu oqaatigineqassaaq, apeqqutit ilaat akileraartarneq pillugu  
ataatsimiititaliap inatsisissatut siunnersuutinik teknikkikkut misissuinerani  
Naalakkersuisut oqaasiinnartigit akinikuugaat. Naalakkersuisut neriuutigaaq,  
tamanna ataatsimiititaliap teknikkikkut misissuineranik naammaginninnginnertut  
ataatsimiititalialluunniit taamatut teknikkikkut misissuinerana  
iluqautaannginneratut paasineqassanngitsoq. Naalakkersuisut ataatsimiititaliap  
tamanna pillugu isumaa tusarusuppaat.

Apeqqutigineqartut ataani akineqarput.

Apeqqut 1 Ilaatinneqanngitsut

- a) Akitsuutip atuutilernissaanut siunnersuummi minnerpaaffiliisoqarpoq,  
taanna malillugu akitsuut qaammatini pingasuni unnuinernik 20-nik  
naleqartumik 599 kr.-nit annertuneruppat unnuisitsisartup unnuinermut  
akitsuummik aatsaat akiliisassalluni. Tassunga atatillugu  
atuutsitsinnginneq tamanna qanoq akeqassanersoq, tamanna unnuinernut  
qassinut atuunnersoq kiisalu aaqquissuussineq taanna Naalakkersuisunit  
qanoq nakkutilliivigineqalersaarnersoq paasissutissiissutigineqassasoq  
ataatsimiititaliamit kissaatigineqarpoq.

Akissut:

Minnerpaaffiliinermi attartortitsisunut ikittunik sivikitsumiluunniit  
attartortitsisunut allaffissornermi nanertuutaanerata killilernissaa siunertaavoq.  
Minnerpaaffiliinermi peqatigitillugu Akileraartarnermut Aqutsisoqarfimmut  
allaffissornermi nanertuutaanera annikillisinneqarpoq.

Killiineq assersuutigalugu attartortitsisup ilaqutariinnut 4-nik inoqutilinnut  
taamaallaat ulluni 4-ni illuaqqamik atukkiinerani atuutissaaq. Tassani akitsuut

480 kr.-nik annertussuseqassaaq, taamaalilluni 599 kr.-nik killigitamit annikinnerulluni. Ilaqutariit illuaraq ulluni 5-ini atorpassuk akitsuut 600 kr.-nik annertussuseqassaaq taamaalillunilu killigititaq qaangissallugu.

Killigititaq qaammatini pingasuni atukkiinernut tamarmiusunut atuuppoq. Atukkiisup assersuutigalugu illuaraq ilaqutariinnut sisamanik inoqutilinnut ulluni 4-ni atukkiuppagu qaammatinilu pingasuni taakkunani ineeqqamik inunnut 2-t ulluni 3-ni atukkiussippat, akitsuutit tamarmiusut 660 kr.-nik annertussuseqassapput, killigitarlu taamaalilluni qaangerneqassalluni, qaammatinilu pingasuni peqartuni akitsuutit (660 kr.-t) nalunaarutigineqassapput akilerneqarlutillu.

Unnuisarfiit tamaasa (akunnittarfinni, ineeqqanik, illuaqqanik il.il.) akimorlugit nunami allamiut (tassa innuttaasut Kalaallit Nunaanni najugaqanngitsut) akiliillutik unnuisartut qanoq amerlatiginerat takussutissinniarlugit paasisutissanik inatsisissatut siunnersuutip piareerneranut atatillugu pissarsisoqarsinnaanikuunngilaq. Taamaammat atuutitinnginnerup qanoq akeqarnissaa imaluunniit unnuinerit qanoq amerlatigisut atuutitinnginnermut ilaatinneqassanersut naatsorsorneqarsinnaanikuunngilaq.

Unnuisarfinnik atukkiussinermi isertitat akileraaruserneqartussaataapput. Taamaalilluni inatsimmi malittarisassanik eqqortitsisoqarneranik misissuisarneq akileraartarnermik ingerlaavartumik misissuisarnerup ilagaa.

- b) Taamatuttaaq umiarsuarni, assersuutigalugu umiarsuarni takornariartaatini tingerlaatersortunilu unnuinerit inatsisissatut siunnersuummi akitsuusiinnermut ilaatinneqanngitsut ataatsimiititaliamit maluginiarneqarpoq. Taamatut ilaatisinnginnermut tunuliaqutaasup Naalackersuisunit itisilerneqarnissaa ataatsimiititaliamit kissaatigineqarpoq.

Akissut:

Unnuinermit akitsuutip immami unnuinernut aamma atuutinneqarnissaa siunnersuummi siunertaanngilaq. Taamaalilluni akitsuutip nutaanut aalajangersimasumik akunnittarfinni unnuisarfinnut atuutissasoq aningaasaqarnermut inatsimmi atsiorneqarnikuusumi allaqqavoq.

Umiarsuarni Kalaallit Nunaata imartaaniittuni unnuinernut akitsuutip atuutilersinnissaani arlalinnik sukumiinerusumik misissuinissat aalajangiimissallu pisariaqarput. Ilaatigut umiarsuit suut unnuinerillu suut akitsuummumut ilaatinneqassanersut, umiarsuit unnuinerillu suut kalluarneqassanersut minnerunngitsumillu akitsuutip taamaattup qanoq atuutinneqarnissaata paasinarsarneqarnissaat pisariaqarpoq. Kingullertut oqaatigineqartumut atatillugu

umiarsuit suut Kalaallit Nunaata imartaaniinnersut ilisimassallugu naammangilaq. Aamma umiarsuarmiittut akitsuutinik akiliisussaataasut amerlassusaannik paasissutissiissutigineqarnissaa umiarsuillu Kalaallit Nunaata imartaanik qimatippata akitsuutip qanoq akilersinneqarnissaata paasinarsarnissaa pisariaqarput.

Immamit unnuinernut akitsuummumt allatut iliuusaasinnaasoq tassaasinnaassaaq umiarsuarnut assigiinngitsunut aalajangersimasunut umiarsualivimmiinnermut akitsuutip qaffanneqarnera, assersuutigalugu angallammiittut amerlassusaat assigisaalluunniit tunngavigalugit.

- c) Kiisalu Naalackersuisut siunnersuut tusarniaanermut akissutit malillugit naleqqussarsimagaat ataatsimiititaliamit maluginiarneqarpoq, taamaalillunilu maani najugallit unnuinermut akitsuummumt ilaatinneqassanatik. Tamanna naapertuuttutut ataatsimiititaliamit isigineqarpoq, assersuutigaluguli nunani allani kalaallit ilinniartut kalaallilluunniit aallartitaqarfiini aallartitat maani najugalittut Naalackersuisunit isigineqarnersut imaluunniit Naalackersuisut tamatumunnga qanoq isumaqarnersut paasinarsisinneqassasoq kissaatigineqarpoq.

#### Akissut:

Siunnersuummi saqqummiunneqartumi inuit Kalaallit Nunaanni najugaqartut kisimik akitsuummumt ilaatinneqanngillat. Taamaalilluni inuit Kalaallit Nunaata avataani najugaqartut akitsuummik akiliissapput. Tamanna kalaallinut ilinniartunut nunani allani najugaqartunut sulisunullu Kalaallit Nunaata nunani allani sinniisofarfiani atorfilinnut aamma atuuppoq. Taakku akitsuummumt ilaatinneqassanngippata inatsisissatut siunnersuutip allanngortinnissaa pisariaqarpoq.

Kalaallit nunani allani ilinniartut atuutitinnginnermut ilaatinneqannginnerat Ilinniagarsiutinik Aqutsisoqarfimmit aningaasaliissutinik allagaqaateqarnikkut uppersarsarneqarsinnaanersaaq. Taamaalilluni ilinniartut Ilinniagaqarnersiutit pillugit Inatsisartut inatsisaat naapertorlugu immikkut ikiorserneqartut akitsuummumt ilaatinneqassanngillat. Ilimagineqartariaqarporli aqqissuussineq tulluutinngitsorujussuussasoq, tassa ilinniartut akunnittarfimmiinnermut atatillugu uppersarsaammik taamaattumik nassarnissartik eqqarsaatigisinnaassanngimmassuk. Tamatuma saniatigut naatsorsuutaasinnaavoq, ilinniartut amerlanngitsut kisimik, nammineq akiligassaminnik akitsuusertissinnaasut, tamatumanimi ilinniartut akeqanngitsumik angalanermi aqqusaarlutik uninnganerat akitsuummik akiliinerit pisortat aningaasartuutaannut ilaammata. Tamatumunnga

aningaasartuutit amerlanertigut konto pingaarneq 40.02.07 Immikkut ikiorsiissutit, angalanermut aningaasartuutit il.il, suliffeqarfiit, atorlugu pisinnaavoq. Aningaasaqarnermut Akileraartarnermullu Naalakkersuisoqarfik aamma Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik inatsit allanngornissaanut atatillugu ilinniartunut aaqiisummik pitsaanagerusumik atorsinnaasumillu pilersitsinissamut misissuinissaat qinnuigaakka. Tamatumunnga inatsisissatut siunnersuut 2025-mi ataatsimiinnerup arlaanut saqqummiunneqarsinnaassaaq. Naalakkersuisulli innersuutigaat inatsisissatut siunnersuut allannguuteqartinnagu akuersissutigineqassasoq, pisortammi kommunillu minnerunngitsumillu inuussutissarsiorfiit malittarisassat atuutilinnginneranni malinnaanissamut periarfissinneqassammata. Tamatumunnga atatillugu erseqqissaatigineqassaaq, inatsit 1. januar 2026-mi atuutilissasoq.

Kalaallit Nunaata sinniisoqarfiani uppernarsaammik nalinginnaasumik Kalaallit Nunaannut suli attuumassuteqarnermik uppernarsarnissaanut tunngaviliisinnaasumik ilisimasat malillugit peqanngillat. Taamaammat taakkununga amerlassusaat killeqartunut isumaliutigineqarsinnaavoq Kalaallit Nunaata Københavni Sinniisoqarfianit pineqartup unnuinnermut akitsuummut ilaatinneqannginnermut uppernarsaammik tunniussisarnerannik aaqqissuussinerup atuutilersinneqarnera. Naalakkersuisulli taamatut aaqqissuussineq naleqquttutut isiginngilaat. Inuit taakku amerlassusaasa killeqartorujussuunerat eqqarsaatigalugu taamatut atuutitinninneq naleqqutinnngitsumik allaffissornerussaaq. Inuttut atukkanik mianerinninneq inuit taakku akissarsiarissaartut akitsuummik akiliisarnermut ilaatinneqannginnissaannut tunngaviusinnaagunangilaq. Tamassumunnga ilanngunneqassaaq, sulisut pineqartut sulisitsisui pisuni akitsuummut naggataatigut aningaasartuuteqassasut.

## Apeqqut 2 Akitsuutip annertussusissaa

- A) Akitsuutip annertussusissaata procentikkaartumik aalajangersarneqarsinnaaneranut periarfissaq ilaatigut oqaluuserineqarpoq. Tamatuma saniatigut aningaasat naleerukkiartornerat assigalugu akitsuutip annertussusiata ingerlaavartumik naleqqussarneqartarnissaata pingaaruteqarnera oqaluuserineqarpoq. Kiisalu akitsuutip annertussusissaa oqimaaqatigiissaariffigineqassasoq oqaluuserineqarpoq, tamatumani akitsuut isertitsissutaasassalluni tamatumalu peqatigisaanik takornariat Kalaallit Nunaannut angalarusukkunnaarnerannik nassataqassanani.

Akitsuut akiligassiissutip ajunngitsunik ajoqutinillu imaqtartup procentiatut naatsorsorneqassaaq. Taamaattoqarpat iluaqutini pingaartumik tassarpassippat akitsuummi unnuinermi akip malinneqarnera taamaalillunilu attartugaq qaffasippat appasippalluunniit, attartugaq qaffasippat appasilluni. Ajoqutit pingaartumik tassaassapput akitsuutip taamaattup akitsuutissatut siunnersuutigineqartoq takornarit amerlassusaannik taamatut imaqaannginnera.

Akitsuutip annertussusia assersuutigalugu akip procentianik aaqqiilluni ukiumut ataasiarluni aaqqinneqartarpat, taamaalilluni akigititaasa akianut nutaamut ilanngunneqarsinnaavoq. Akitsuutip annertussusia inatsisikkut aaqqinneqarpat paasititsiniaaneq killeqarsinnaavoq, tassani Inatsisartut akiata allanngornissaanik aalajangiisassallutik. Tassunga atatillugu eqqaamaqquneqarpoq ilimagineqartoq akitsuutissatut siunnersuutigineqartumi isertitat killeqassasut. Tamanna tunngavigalugu Akileraartarnermut Aqutsisoqarfiup attartortitsisartullu ukiumoortumik paasissutissinneqartarnissaat akitsuutillu annertussusianik aaqqiisinnissaat naleqqutissanngilaq.

Soorlu inatsisissatut siunnersuummut nassuiaatini oqaatigineqartoq akitsuutip qaffasissusia Europami tikiffippassuarni qaffasissutsinut assersuunneqarsinnaavoq. Aallarnisaanermi akitsuutip annertussusia Europami akitsuutinut sanilliullugu qaffasissinnaavoq qaffasippallaaranili. Taamaalilluni akitsuutissatut siunnersuummi takornariaqarnerup ineriartornerata killilernissaata siunertaannginnera tunngavigineqarpoq.

### Apeqquut 3 Siunnersuutip piviusunngortinneqarnerani aningaasaqarnikkut allaffissornikkullu kingunerisassat

- a) Aningaasaqarnikkut allaffissornikkullu kingunerisassat siunnersuummut nalinginnaasumik nassuiaatini allassimasut naammattumik annertussuseqartumik nassuiaatigineqarnerisut ataatsimiititaliap siunnersuummik suliarinninnermini ilaatigut oqaluuseraa. Kommunit allaffissornikkut annertunerusumik artukkerneqaqqinnginnissaat, akitsuutilli nakkutigineqarnera aningaasaqarnikkut allaffissornikkullu killiliussat siunnersuummi allassimasut iluanni akilerneqarsinnaanissaat ataatsimiititaliamit pingaartinneqarpoq.

#### Akissut:

Soorlu apeqquummut 1 a)-mut akissummi oqaatigineqartoq, inatsimmi malittarisassanik eqqortitsinermik nakkutilliineq Akileraartarnermut Aqutsisoqarfiup akileraarutininik ingerlaavartumik nakkutilliinerata ilagissavaa. Kommuni, innuttaasoq, suliffeqarfik unammillertoq allalluunniit attartortitsisup inatsimmi malittarisassanik eqqortitsinngitsoq paasippassuk, Akileraartarnermut

Aqutsisoqarfik soorunami tamanna pillugu paasitinneqarususaaq, taamaalilluni tamakku nakkutilliinerup aaqqissorneranut ilanngunneqarsinnaaniassammata.

- b) Tassunga ilanngullugu siunnersuut piviusunngortinneqarpat allaffissornermut ukiumoortumik aningaasartuutit matussuserneqarnissaannut 0,3 mio. kr.-it naammannersut pillugu Naalackersuisut naliliinerat aammalu qanoq ilillutik taamatut naliliisimanersut paasissutissiisutigineqassasoq ataatsimiititaliamit kissaatigineqarpoq.

Akissut:

Nakkutilliineq Akileraartarnermut Aqutsisoqarfiup akileraarutinik ingerlaannartumik nakkutilliinerata ilagissammagu aningaasartuutaanerusussat saniatigut suliamut tassunga ilaasussat missingerneqarnikuupput. Tunngavik ilisimaneqartoq tunngavigalugu nalilerneqarpoq aningaasartuutaanerusussat 0,3 mio.kr.-nut killilerneqarsinnaasut. Soorlu teknikkikkut allaaserinninnermi ilisimatitsissutigineqartoq, tamassuma saniatigut IT-mut aningaasaliinermut 0,5-1,0 mio kr.-nik aningaasartuuteqassaaq.

Aningaasartuutinik allaffissornikkut aqutsinermut aqutsinermut aningaasartuutit killeqangaatsiartut inatsisiliornermi allaffissornermi inatsimmut aningaasartuutit killilerneqarnissaat pingaarnertut siunertaaneranut atatillugu isigineqassapput. Inatsisip kinguneranik isertitat tamarmiusut taamaalillutik allaffissornermi aqutsinermi nungunneqassanngillat. Inatsimmik allaffissornikkut aqutsineq assersuutigalugu aqukkuminaatsunik atuutitinninnikkut imaluunniit aningaasartuutinik missingiinerit allat pissutigalugit ajornakusuulerpat soorunami qaffanneqarsinnaapput.

Sulisitsisunit (GE) allagaqaat

Sulisitsisunit (GE) allakkat ilanngunneqartut ataatsimiititaliamit tiguneqarput, tassani pissutsit arlallit GE-p siunnersuummi naapertuutinningsutut isigisai erseqqissaatigineqarlutik.

Naalackersuisut tassunga oqaaseqaateqarnissaat ataatsimiititaliamit kissaatigineqarpoq.

Akissut:

Inuit nunatsinni najugaqartut attartortitsisartut allaffissornerisa annertusitinneqarneranik kinguneqarsinnaanera Naalackersuisut ilisimavaat. Tamanna siunnersuummi aalajangersakkamut aamma tunngaviuvoq, taanna malillugu inuit nunatsinni najugaqartut attartortitsisup apeqquteqarneratigut Kalaallit Nunaanni najugaqarnermut uppersaammik takutitsisussaataasut.



Taamatut uppersaasoqanngippat, attartortitsisoq akitsuummik akiliisitsisinnaavoq.

Naalackersuisut nunatsinni angalasunik mianerinninnerup taamatut atuutitinnginnerup kinguneranik allaffissornermi artukkiinissamik mianerinninnermit pingartinnerunissaa toqqarpaat.

Naalackersuisut isumaqarput akitsuutip annertussiani 30 kr.-tnaleqquttut qulakkeerneqartut, peqatigitillugulu akitsuutip qaffasissusia Europami tikiffippassuarni qaffasissutsimut sanilliunneqarsinnaasoq.

Inussiarnersumik inuulluaqqusillunga



Erik Jensen